

國朝詞綜續編

國朝詞綜續編卷十

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳堃 增訂

錢塘 諸可寶 校勘

永康 胡鳳丹 監刊

吳蘭修 七首 戈 載 一十六首

仲 湘 七首 朱 蔚 一首

吳 贊 三首 王 曦 三首

項名達 二首 葛慶曾 一首

陳來泰 一首 江 沅 三首

戈堅二首

朱鉉三首

朱紫貴二十首

汪鉞三首

吳蘭修

字石華嘉應人舉人有桐花閣詞

減字木蘭花

題王竹航太史利亨畫竹

月痕依舊著紙亭亭清影瘦不待成陰便有瀟湘一寸
心微風索索轉憶草堂聞墜籜一兩三竿莫作秋鐙
夜雨寒

羅敷媚

輕陰著意催寒食風也纖纖雨也纖纖半臂吳棉昨夜
添海棠過了梨花病春也厭厭人也厭厭不耐傷心
怕捲簾

黃金縷 寄內

十年贏得愁何用，紅豆生生誤作多情種。病到海棠春，忍送膽瓶自折殘枝供。相思別後，何曾空瘦盡，桐花苦憶桐花鳳。雙鬢漸疎，釵漸重，孤鐙莫煮宵來夢。

減字木蘭花

過秦淮作

春衫乍換，幾日渡江風力軟。眉月三分，又聽簫聲過白門。紅樓十里，柳絮濛濛飛不起。莫問南朝燕子，桃花舊板橋。

金縷曲

集梨雲閣送黎海槎明經應期秋試報罷歸里

落魄今如此，鎮蕭蕭重簾夜雨，替人垂淚。聽到琵琶翻入破，最苦纖纖十指。把一片秋心彈碎，身世飄蓬何足

恨算秋孃俊眼猶知己酸楚語莫提起 鱸鄉正好尋
歸計有年時三分柘柳七分煙水蘆絮滿湖吹似雪領
取浮家風味况更有搖船雙髻我剩飄零書劍在念家
山亦欲東歸耳君去也挂帆矣

疎影

陶綏之出示葉小鸞眉子硯背題云舅氏自

邦上歸分胎瓊章得眉子硯天寶繁華事已
陳成都畫手樣能新如今只學初三月怕有
詩人說小顰素袖輕籠金鴨煙明窗小几展
長牋開奩一研櫻桃雨潤到湘琴第幾絃末
署己已寒食題按此詩返生香集中失載惟
近日陶兒鄉太守有題眉子硯詞所記正同
則零香斷墨遺伏多矣以白石自度曲賦之

三生片石有黛痕隱隱依舊凝碧字瘦如人詩淨於春
都是可憐香澤曇花悴後瑤琴冷共一縷玉煙蕭瑟最
傷心細雨櫻桃又過幾回寒食 猶記疎香舊事小顰

初畫了無限憐惜煮夢年華寫韻風神轉盼已成今昔
彩鸞未許人閒嫁更莫問蓬萊消息算只有眉月嬋娟
會照那時顏色

疎影閣小鸞所居
嘗自號曰煮夢子

臺城路

雪聲堂硯陳忠愍邦彥物也今歸唐直甫
明府源準家先是直甫夜泊羚羊峽夢老
人于之硯次日得此與夢符焉作夢硯圖
其子子方孝廉樹義屬余賦之

西風忽斷騷人夢江聲最憐淒絕半壁殘山經年戰鼓
往事那堪重說金甌易缺更玉帶飄零劍花同蝕月落
楓青暮猿隱隱聽嗚咽當年猶記草檄歎槐封哭醒
誰弔寒雪地老天荒海枯石爛鸚鵡也應嘯血銷磨瘦
鐵問幾度滄桑夢痕明滅譜入陽關竹聲吹又裂

肘子
方奉

諱將歸

黔中

戈

載

字順卿吳縣人諸生官國子監
典簿有翠薇花館詞三十九卷

黃韻甫云翠薇詞音韻格律豪忽必謹能發
明紅友之所不逮予與順卿初未識面而筆
札往來考論詞學皆極諄詳懇摯性真之契
固不在形迹也

山亭宴

秋晚游天平山憩白雲寺外作停車小
點綴景色頗異憶春時游騎如雲頓塵撲

面至此更無有過而問者豈結習使然抑
高曠之致能領之者鮮乎半醉高歌當有
山靈起舞耳

半山已覺山無路
徧林坳冷楓紅舞
螺黛遠含顰翠屏
繞明霞千縷
西風捲葉送秋聲
帶松壑流泉飛去古
寺白雲深聽緩緩
疎鐘度
冶春畫出濃眉
嫵記閒游鈿
車如霧秋意淡
林巒便冷落歌朋
嘯侶把杯一笑問
山靈誰似我
孤吟愁句倚樹
映酡顏又雁外斜
陽暮

未句從安

陸集作

六字

霜葉飛

落葉和吳清如

斷雲秋老蕭蕭意涼颼催動林杪半山飛起碎霜痕舊
徑都迷了乍帶雨疎窗撼曉空廊攬入簷鈴聞又一縷
斜陽映岸曲殘蛩語處暮寒留照方倚病骨西風登
臨賦倦怨懷今歲偏早洞庭波映月淒涼驚起樓鴉繞
想遠浦題紅夢杳高樓誰寄相思到望故園荒煙外堆
滿籬根亂愁多少

垂楊

題吳伊人白門楊柳圖

青青甚處是漢南舊稿江南新譜亂撲香綿翠陰攬入
人智
切 絲絲雨六朝山色今何許暮鴉在依然終古有情

人凝望斜陽攪亂愁無數
儂亦頻年寄旅記煙暗畫
橋玉驄嘶去醉夢如塵夢魂猶憶銀計切章臺侶天涯無
限相思苦漫畱得鶻嗁鶯語傷心一幅春風千萬縷

春霽

柳影用周草窗體

眠醒柔魂向斜陽淡處蕩起無力淺鎖眉低倦扶腰瘦
晴光別樣蕭瑟闌干暈碧燕鶯都似驚鴻疾更遠隔流
水板橋濃靄暗春色
瓊疏倚醉繡徑遮香暗惹游絲
翠梭飄人捲長亭愁痕碎縷涼雲和霧半庭積夢繞章
臺尋舊迹畫秋千畔奈他殘月淒風薄寒迷曉絮雲狼
籍

露華

苔痕用張玉田體

翠陰過雨引畫溪漲遠浮向空庭連錢綴小玉階移上
層層涼暈短牆晴色帶蝸涎蝶粉交縈迷曉夢煙含繡
紫露洗蟠青 寂寂莫愁門巷記碾罷香車鴛履曾經
殘紅亂點唾茸認不分明只有昔年珠淚沁寒香羅磴
猶凝蟾影瘦窗紗又飄亂螢

蘭陵王

和周清真韻

畫橋直明鏡波紋縹碧輕煙繞歌榭舞樓一派迷離黯
春色東風徧故國吹老關津怨客長隄畔千縷翠條時
見流鶯度金尺 萍踪半陳迹記側帽題襟香靄瑤席
天涯今又逢寒食歎攜手人遠俊游難再飛花飛絮散
舊驛送潮過江北 悲惻亂愁積對孤館殘燈無限淒

寂青禽望斷情何極乍倚枕尋夢怕聞鄰笛邗堪窗外
更細雨夜半滴

西湖

形勝地南朝舊事重記青山未改繞西陵暮雲四起半
江聲撼石頭城連天濤湧無際畫橈向誰醉倚渡頭

古柳堪繫烏衣巷口夕陽紅夢尋燕壘後庭遺曲不堪

聽餘音猶怨淮水訪花問酒趁近市認桃根桃葉

鄰里也似武陵人世剩沙鷗對對莫愁湖畔自閒眠

秋風裏

南浦春水和張玉田韻

綠意染東風泮冰漸十里橫塘晴曉新漲起三篙煙痕

淡垂柳絲絲輕掃紅橋路轉淺沙低護鴛鴦小洗淨麴
塵奩鏡啟倒浸碧雲芳草 桃花曲岸浮香記纖纖細
掬湔裙過了重聽亂鶯曉無人處幾片落紅吹到波流
杳渺粉痕流去天涯悄蘭舫歸遲斜照晚一派暗愁多
少

前調 秋水用王碧山韻

一碧渺煙波映隔山絳楓夾岸霜染磯沒舊春痕鷗眠
外依稀翠瀾流徧瑤天一色粉河別是人閒淺采蓮豔
曲何處覓搖漾蘆花千片 蒼茫雁夢驚涼早不見雙
飛穿波紫燕紅浪記層層相思處換了白蘋疎點魚紋
織縵冷風吹起江南怨最愁宵雨飛帆影歸趁瀟湘潮

遠

菩薩蠻

畫屏遮斷行雲路
鶯呼殘夢飄香去
絲雨溼闌干
杏花天氣寒
鈿箏斜倚玉
誰理同心曲
暗檢舊羅襟
淚痕深不深

步月

春夜閒步

梨月籠晴柳煙搖
暝繡隄夜景淒寂
嫩寒翦翦逗一絲
風力記攜酒流水
畫橋聽鶯語翠陰
無蹟如今換徹曉
淚鵲盡情唳急
靡蕪芳徑窄香影
夢模糊雲暗愁碧
玉簫甚處正鐙飄
華席問知否門外
亂紅已零落鈿車
消息歸來也蓮漏
隔花靜滴

惜紅衣

皇甫墩觀荷有見填無射宮一解紀之是曲殺聲當用下凡白石則兼借四字前杏花天影詞內予已論及之已觀白石旁譜力字起韻注下凡四換頭以下至籍字始注下凡四可知陌字非韻矣玉田贈妓雙波一首不叶是也予故復指出之以正詞律之誤

驚浴新涼鷗盟舊夢泣紅搖碧載酒尋芳沁瑤席
西風未老還自媚歌裙游屐凝立斜照晚煙對一蓑漁
笛驚鴻瞥影環佩珊珊凌波素羅溼吹簫柳外舊曲
采蓮識可惜粉雲香露不是故鄉秋色問九峯螺黛知
否碧城消息

鎖窗寒

秋晚繡蓉水榭坐雨淒景蕭瑟孤懷寂寥言愁始欲愁矣

菊徑蛩淒蘆汀雁斷淡煙搖暝蕭疎萬點點破一奩明

鏡悄無聲飛鴉自低倚簾數盡西風影怕歲華迅羽重
陽過了便催殘景 幽境還重省記月暗梨雲翦鏡人
靜芳期暗減又是芙蓉開冷遡空波愁鎖淚紅紫鴛鴦
日香夢醒聽漁鄉欸笛淒涼引動江湖興

相見歡

舟泛橫塘有感舊游

蘭橈一棹橫塘拂垂楊依舊樓陰斜枕綠波長 夢痕
遠歌聲斷惱人腸只有落花流水冷殘陽

秋宵吟

孟秋中旬九日董琢卿集廣川書屋出示
蕤石老人秋葉圖寫溫飛卿一葉葉一聲

聲詞意索座客題咏子賦此解調本白石
自製注曰越調越調者琵琶錄所謂商七
調之第一運黃鐘商是為琵琶第二絃之
第七聲其聲實應南呂今俗樂之六字調
也白石集又有越九歌越王一首亦曰越
調注曰無射商無射商乃商調之名越調

爲黃鐘商何以又云無射商不知宋時燕
樂七商一均與七宮同用黃鐘大呂夾鐘
仲呂林鐘夷則無射七律之名越調爲第
七聲居無射之位故朱子儀禮經傳通解
云無射清商俗呼越調張玉田詞源云無
射商俗名越調也攷白石原詞古簾空至
箭壺催曉與下引涼颺至暮帆煙草句法
既同旁譜亦無少異萬紅友疑是雙拽頭
甚是上應分二段下作一段爲三疊觀前
曉字用六上四後草字亦用六上四可悟
六字爲殺聲兼上四畢曲與石澗仙同調
也其中平仄無一字可移動且叶韻皆用
上聲諸去聲字尤爲喫緊予謹謹守之庶
幾與古證合耳用以質諸主人并同社諸
子

黯涼陰散玉宇竟夕西窗敲雨瀟瀟響問那裏清商作
成淒楚倚朱樓望翠圃怨入風林斜舞空階畔剩數
點荒煙倦秋堪數賦懶登臨正病擁閒愁閉戶興消

棲碧夢斷題紅遠被暮雲阻何幸同尊俎話到飄零幽恨又補但挑燈驗取霜縑詩筆詞筆舊畫譜

浣溪紗

寶獸香殘裊夢魂差池燕蹴落紅新飄梭院宇寂無人
柳絮輕霑雙袖淚梨花深掩一箏塵如何消遣可憐
春

仲

湘

字壬甫號子湘吳江人諸生有宜雅堂詞黃韻甫云子湘詞婉轉幽媚堂名宜雅信乎其不愧也

壺中天

春陰

隔簾風峭訝微茫浪影盪搖寒意嬾霧愁雲吹不散閣
住冷清清地一鳥孤飛萬花同夢綠釀苔階膩曲闌干

外夕陽微動如水 遙想窄巷孤村 餽簫聲咽 酒旆輕
搖曳一角紅樓人悄悄有甚心情閒倚命屐行遲呼鐙
上早領畧愁滋味 翻開花歷試猜明日晴未

綠意

夏首春餘萬綠如水雨後意行默有根觸

垂楊巷陌是一條別路春去無迹溼暈濛濛不管傷心
直到天涯凝碧高樓容易窗紗暗漫指點微茫林隙念
那人婉婉芳年有此鬢邊顏色 祇歎清狂小杜十年
已爽約閒恨空積認取青袍點點痕痕淚比落花紅滴
雨餘長了無情草合棄置尋春雙屐到爾時回首東風
賸聽子規嗁徹

月華清

八月十三夜同人放舟木蘭洲觴月歌此
侑酒

弱檠煙扶疎篷星瞰酒人詞客分坐水月微茫淡得秋
心無那似垂虹一舸春寒只照蟹幾鐙幽火涼頗看冰
輪吹上夜風旋大拚與醉殘歌破任荻響騷騷蛩吟
瑣瑣如此良宵不合等閒閒過正人天萬籟都清肯心
地一塵還澆聽我有高寒水調扣舷誰和

楊州慢

題徐雪廬丈紅橋感舊詩冊

早倦風懷旋催星鬢墜歡直恁迢迢只尋春舊蹟尙宛
轉紅橋話當日歌頭酒尾幾番題扇幾度聽簫算二分
明月淒迷曾照魂銷十年再過廢橋邊紅藥花嬌奈
酒客漂零詞人恹惘同賦無聊莫問杜郎游賞青樓外
樹已蕭騷况樓中人影何堪重認香綃

拜星月慢

郡城延秋一集沈西雖文招集清蔭禪房分咏秋花得牽牛花

脆蔓縈愁圓花承淚點綴新涼庭院乍曉天光正青藍
濃翦伴遙夜獨自消磨幾許風露只怕星期還遠一度
開時算一平回相見較秋孃螺黛誰深淺晨妝理翠
鈿都零亂怎奈淡日微熏便芳心微捲况柔枝不繫香
車緩紅牆隔依舊銀河轉賸離隙絡緯聲聲共機絲淒
斷

解語花

延秋二集陳雲伯文招集鷗隱園觀荷限賦是詞

香清撲扇影豔窺簾開到花無罅嫩涼池榭垂楊外早
許一絲秋借攀芳去乍聞隱約纖歌散罷禁幾番無賴
西風吹老鴛鴦也祇有鷗鳧最暇挈朋儔三五來補

銷夏綺懷兜惹沈沈醉肯負玉容嬌
奸商量冷話還只恐珮裳輕卸知甚時
葉背跳珠涼雨空中灑時望雨頗切

高陽臺

抱珠水榭有贈

寶髻雲頰芳姿月滿羞他時世梳妝小語零星一般似
說家常眾中也只無情對但秋波暗遞偏長分去相當
黯黯青衫淡淡紅裳 當前怎便狂言發况難求玉杵
易得珠量桃葉桃根空教如殺王郎水中曲曲雕闌影
替詞人折盡愁腸更淒涼丁字簾前一段斜陽

朱

蔚

字子蘭海甯人
道光五年舉人

金縷曲

題蕭笠仙詞卷

生日花朝記有詞人歌離弔夢淚痕沁紙我亦中年傷

哀樂嘗盡鰕魚滋味如作者真憂情死碧海青天空想
像更何人記曲呼孃子仙眷屬讓蕭史 賞音並世知
誰是只周郎謂麟唱予和汝金蘭結契著意感秋兼送
別一例青衫顚顚賴彼此窮愁相慰他日旗亭同賞酒
度新腔要賭雙鬢麗傳唱遍并華水

吳

贊

原名廷鈔字惠鈞一字彥懷常熟人道光六年庶常改主事官刑部員外郎有塢影樓詞張默成云彥懷詞託興遙深用筆曲折選言明淨得詞家三昧

八聲甘州

秋海棠

是何人清淚染秋痕一枝倚西風想懷人情緒三更幽
夢星眼朦朧便道花如人面心事已成空淒絕中庭露
溼透芳叢 乞與輕陰護惜怕秋陰慘淡不比春濃况

經霜顛頰減卻舊時容待簪來美人香鬢又低俚鸞鏡
怨殘紅祗應有牆根斜月知爾愁悰

南浦

蘆花

幾陣響蕭蕭悄西風作出秋聲淒切淨洗綺羅香梳妝
淡越見芳心孤潔亭亭玉瘦斜陽影裏愁時節滿地哀
鴻和淚聽一夜白頭如雪 年年孤負春光感飄零懶
與楊花細說只恨不成棉征衣薄誤了寒砧刀尺霜華
萬里殘荷盡後煙波闊款乃漁舟歸去也獨對一湖明
月

浣溪紗

簾隔花香不隔愁夕陽庭院似清秋恹恹春病懶登樓

蝶夢隨風無遠近鷗波和月共沈浮天涯何處好句

留

王

曦

字季旭太倉
人有鹿門詞

嚴問樵云鹿門詞得初寫蘭亭之妙

高陽臺

題徐郎清蓉照

寶髻堆雲霓裳曳珮內家妝東宜人獸炭香濃相看淺
醉微顰登樓怕見章臺路掩深閨花約重門鎮無言倦
倚闌干坐對黃昏長安一樣春如錦悵舊遊似夢俊
賞成塵門外天涯知誰解道溫存落紅飛燕還畱戀算
階前賸有苔痕伴幽窗尺幅生綃幾度銷魂

壺中天

蔣伯生明府因培招飲燕園園卽李易安
故宅也歸同僚婿吳彥懷廷鈔賦之

園庭瀟灑正空階，露冷紅茱香透苔。
鎖重門，秋更綠剛。是悲秋時候，臺榭猶存，
珮環何處，悽絕黃昏。後月明清，夜幽魂，
知是歸否。一樣滿地黃花，疎簾捲起，更何人，
銷瘦流水樓前涼。似織舊日墨痕，輕皺荳蔻歌殘，
茶糜春老，應自傷心久，那堪重認闌干，幾樹垂柳。

暗香

憶梅

半窗月白，又幾曾照見舊時顏色。一曲西洲夢裏依稀，
寄江北清影，莫教瘦損。况如此天寒風急，應念我客邸，
傷心無處問消息。淒寂愁易積，悵紙帳夜眠誰共，遙
夕蒼苔露溼。林下空來，鎮相憶爲問東風，何處怕負卻，
韶華難覓。恰又早吹破也，一聲鐵笛。

項名達

字梅侶仁和人道光六年進士官國子監學正

祝英臺近

悼亡後作

惱蜂情慵蝶意春色又如許愁立蒼苔花影亂深鳴如
花人已天涯花開依舊爭忍見翠圍紅舞漫延佇猶
記雙袖凭闌冷香上詩句能幾番游風月竟拋去只除
夢裏歸來夢醒何處重簾外斷煙零雨

揚州漫

用石帚韻題周澹巖邗江春泛圖

煙月隋唐江山南北片帆當日游程指雷塘一角半付
與蕪菁爭忍說英雄兒女畫樓裙扇荒墅戈兵祇寒潮
依舊淒涼猶打孤城廿年鴻蹟到如今清鬢堪驚早
十里邗溝三生杜牧老了吟情回首玉簫何處紅橋畔

吹夢無聲奈隄邊楊柳長條挽盡還生

葛慶曾

字墨卿號秋生
仁和人諸生

齊天樂

題南湖花隱園

鏡臺不鎖蕨蕤夢於今畫中人杳黃土埋香青山荷鋪
一例古今憑弔吟魂縹緲賸樓外垂楊冷煙殘照獨倚
無膠春風吹盡鬢絲老 苔痕三徑未埽憶南湖讌賞
幾度曾到竹下敲詩梅邊擗笛裙屐風流多少鴻泥換
了笑我亦移家筆牀茶甌回首前塵甚時重去好

陳來泰

字仲亨號初菴吳江人諸生
有荷松堂詩集附詞一卷

卜算子

西湖泛月

夜色畫孤篷秋水鳴柔艣惆悵姮娥懶對人雲幕深深

護鐘響報三更催客還歸去賴有漁燈數點明指出
微茫路

江

沅字鐵君號子蘭吳縣人優貢生有梁香庵詞鈔

浣溪紗

偶作贈張石軒

蝴蝶爭知夢裏人曇花一瞥百年身中間離別又經春
雙照天涯惟有月幾番花事總銷魂最難消受是黃

昏

高陽臺

春將去矣芍藥盛開碧水生波臨風獨賞以眇眇之韻寫振觸之思僕本恨人誰爲搵淚世有情種定許知音

小雨開晴煖風吹醉十分春到人閒流水韶光看花須
趁今年闌邊一碧盈盈好小亭臺閒殺神仙嫩紅天情

劫已生蝶夢初圓 前生種就相思願
化香痕幾縷猶剩餘煙畱伴黃昏
依然明月秋千分明錯認天台路透
春心兩點遙山恁綠慳獨倚東風更與誰看

浣溪紗

雨雨風風未肯休
輕寒輕煖誤春畱
一春心事似涼秋
飛絮天涯尋遠夢
落花水而漾春愁
杜鵑聲裏怕登樓

戈

堅

字仲節號貞卿元和人

醉花陰

一角湘簾天易暮
煙柳垂千縷
縷縷盪春風
恨燕愁鶯總是相思語
牆陰何處秋千度
紅影迷香霧
屈戌一

重重無數飛花難鎖春光住

浣溪紗

爐鴨香煙黯碧紗
嬌鶯囀處綠陰遮
風飄蘿磴又飛花
繡榻倦挑枝上蝶
歌筵醉鞞鬢邊鴉
翠樓消受好年華

朱

鉉字震伯儀徵人有
月底修簫譜二卷

南柯子

簾押犀雙下
闌迴路幾弓
鴛鴦夢冷水西東
零落一池菡萏不勝風
坐久衣嫌薄
更闌露漸濃
追歡往事總成空
只有樓頭明月度征鴻

看花回

晚秋湖上

涼淝湖邊蕩畫橈野色蕭蕭眾芳搖落秋心碎倦遊總
覺無聊芙蓉開自好空傍江皋寒影初驚雁陣遙愁
思難銷西風惟逐東流水念當時夢斷歸潮照人纖月
影斜挂林梢

南鄉子

情脈脈夢迢迢玉鑪香燼篆煙消風過迴廊停繡屐愁
千疊窗外碧梧秋一葉

朱紫貴

宇立齋長興人廩貢生官
杭州府訓導有楓江漁唱

黃韻甫云廣文詞如秋水春雲清微淡遠是
學玉田而得其神韻者近人徒事修潔無言
外意輒思附庸玉田去之遠甚

踏莎行

竹影通簾梅陰隔戶池塘自碧春無主一窗午夢似楊
花和煙飛入紅樓去幕外鶯啼梁閒燕語醒來牋得
梨雲句玉笙吹徹不勝寒絲絲又下黃昏雨

高陽臺

短笛房櫳單衣院落沈沈人倦天長芳草無情和煙綠
暗池塘垂垂紅索秋千架有舊時膩粉畱香早東風送
了飛花瘦了垂楊梅陰漸滿闌干曲任營巢雙燕樹
底商量爲問榆錢可能買住韶光帶圍已是傷春減更
春歸怨寫銀簧莫登樓樓外嘯鷓樓上斜陽

琵琶仙

雨後北園晚步至老君堂小憩

絲雨初收夕陽外一片煙痕猶溼扶醉人送飛紅東風

聽殘笛禁幾度晨鐘暮鼓漸零落鈿車金勒趁蝶尋香
隨鶯選夢幽趣還得算纔過寒食清明早初夏園林
逗消息無數柳花如絮糝單衫零白休更向妝樓細訴
怕月眉瘦損疏碧便有盈架茶蘼不成春色

長亭怨

重過石湖

又重到垂楊斜渡雁陣驚寒魚榔催暮斷葦荒灣挂帆
低共片雲度倦游心事誰念我飄零苦一霎翦江行早
望見松陵煙樹延伫兒遙山幾疊倒影鏡中眉嫵弦
詩載酒算舊約曾盟鷗鷺甚獨自水枕風燈慣題徧孤
篷詞句漸古成黃昏殘角月作中低語

高陽臺

雨聲滿院春事闌珊拈是調譜之

倦柳顰眉嬌花泣頰三分畫出春愁纔放些晴濃陰又
度牆頭一春縱使無風雨算幾番白舫清游更何堪風
也難休雨也難休自從燕子歸來後便疏疏碎點夜
夜高樓賴有鶯聲不會認作殘秋池塘綠染羅裙水剩
飛紅帶恨還流最無聊院宇黃昏獨下簾鉤

漢宮春

櫻桃用吳夢窗體

紅粉風流正江梅露筍相伴登筵胭脂冷勻萬顆入手
珠圓尊前笑口算樊姬無此嬌妍春去也芭蕉自綠乳
鶯含向誰邊我似杜陵詩老料金盤玉箸消息難傳
長安看人會飲絲籠歸鞍花陰夢悄被青衣喚醒華年
還記得垂垂一樹箇儂鈿閣西偏

南樓令

自題吾山探梅圖

疎影鶴黃昏花開未十分倚銀簫吹煖嬌春眉樣一彎
松頂月曾照我水邊村前事耐銷魂東風留夢痕有
閒愁付與行雲便使青山重載酒能幾箇舊時人

點絳脣

武林金氏寓園同徐詠梅作

一片秋聲斷無人處閒亭榭畫闌低亞絲影青蟲挂

漠漠苔錢綠近藤花架魂銷乍翠衫涼惹眉月前廊下

琵琶仙

中秋後一日借蘭石沁泉出湧金門夕照
在山水雲彌望小舟喚渡由西冷橋入裏

湖憶庚辰春寓吳莊已六年矣述白石道人黃鐘商調

煙柳絲絲早搖動一片溟濛秋色淒豔金粉樓臺空簾
映斜日臨淺鏡峯眉自綠更雲水斷橋催夕桂雨飄黃

荷風颭翠游事蕭寂 試重喚雙槳沿緣算梅鶴孤山
舊相識醒作我十年塵夢是鷗邊漁笛還認取花牆院
宇有那時殢酒陳蹟可奈九月今宵鳳城遙隔

淒涼犯

武林暗房琴甫應亭伯蔡補梅諸故人秋風深矣輒又散去歸舟泊東新關倡爲此解以寄諸君并約徐詠梅同作

遠城望斷皋亭路秋聲一片催夕水風料峭湖雲黶黶
半帆斜日愁心自積正歸艇關頭弭楫怨前宵鸞鵲象
管回首便陳蹟 何況飄蓬感破帽征衫黯然行色成
樓短柳但年年送人離席後約滄洲且分付漁蓑釣笠
最銷魂別浦亂葦颭冷碧

虞美人

夜雨

露涼庭院重門閉瘦影簾垂地感秋人在雨聲中葉葉
怨梧嗁碧響西風疎疎密密飄無定添作衣邊冷有
誰聽徹未明天一樣香銷燭暗不成眠

琴調相思引

風雨忽來玉蘭開且落矣

吹墮瑤臺夢裏雲粉香彈淚總成塵斷魂前夜簾角月
如銀偏是瓊枝零落易何曾開到十分春年年幽怨
付與倚闌人

齊天樂

新秋聽雨黯然於懷拈此調證之

零星碎響催愁到簾陰暗飄疎雨蟋蟀籬空蜘蛛網重
盡日溟濛催去煙絲萬縷送一片秋聲豆棚低處黯黯
魚天斷雲時向苑牆度西風還又作冷畫闌頻徙倚

寒意如許寺暝流鐘樓高墜笛惟有雙鳩唳暮離懷正
苦想涼到羅衣翦鏡窗戶滴入荒階夜深蒼自語

淡黃柳

秋柳

荒溝水急輕蘸愁痕碧露咽哀蟬嘯又澀駐馬斜陽古
道顛顛年年漢南客 驛亭側涼絲綰千尺帶鴉點寫
秋色悵天涯人去無消息葉葉聲聲斷垣風雨吹入黃
昏怨笛

秋霽

秋苔用周草窗體

輕霧零風早牆腰一帶換了煙色曲院無人古簾垂地
層層自界愁碧蝸涎繡澀畫闌淺照黃昏月但慣得羅
韞薄寒珠露半弓溼 荒涼舊井黯上銅鋪別有傷心

宮樹蕭瑟算年年空階冷雨長門鏡暗怨芳夕腸斷玉
顏鉛淚滴夢華彈指剩取瘦蝶眠花倦螢棲草伴他岑
寂

聲聲慢

秋葉

嗁痕洗露瘦影飄煙園林盡換愁碧石磴眠琴休問賞
花消息西風暗翻隔院碎秋聲昨宵簾額搖落意正冷
螢飛後雨珠輕滴幾度小窗殘夢被撼撼蕭蕭喚回
幽夕鹿眼籬根莫又淡黃堆積零星尙餘半樹共鴉點
亂扶暝色霜信緊怕舊時山徑悄迷人蹟

汎清波摘徧

殘荷

紅飄錦碎碧平陸簪輕斜照半江涼影舞豔妝全卸早

是西風送南浦。淩波渡。鴛鴦夢短。蟬怨秋深。吹斷鈿簫。
人自去。葉葉聲聲付與漁家聽。香雨。試延伫。三十六
陂翠。連環珮。舊時何處。惟有菱歌唱。遙櫂船荒。淑黯無
語。顛顛酒暈粉痕。飄蕭暮煙朝露。待把珠房采摘。又憐
心苦。

八聲甘州

客舟聽雨作

望零星蟹火。溼雲邊。推篷雨絲絲。正愁風愁水。關宵倦
客。驚夢催詩。便使羅幃紅燭。過了少年時。何況江湖感
寒到征衣。樸樹村前茅屋。記玉壺俊賞。悄掩雙扉。甚
黃蘆苦竹。蓑笠又天涯。擁單衾。與鷗同聽。有成樓霜葉
暝邊飛。沈吟想碧梧桐院。簾軸低垂。

惜紅衣

落花滿地幽緒無端譜無射宮一解

舞絮庭空交枝徑窄冷紅吹雪碧樹飄煙惜惜暗新葉
飛瓊去也還散落去作零簪殘玦淒切人抱綺愁卻顰眉
時節 鉤簾小立風颭旛鈴鷓鴣聲正嘯徹春濃夢短頓
覺舊情別剩有惜香心事肯共繡花輕說問酒旗村店
流水一灣鳴咽

點絳脣

空翠簾陰半樓暝色簫聲暮畫闌高樹畧下絲絲雨
漸近黃昏花氣吹香霧愁來處桂窗風露秋共嘯蛩語

汪

鍼

字式玉號劍秋錢塘人諸生詩詞諸稿燬于粵寇

齊天樂

五月二日樊榭徵君生日同人祀于水北樓酒半觀西湖競渡聽費五曉樓金四聽

樵皮曲雛鬢琵琶卽席有作用徵君集中
夏五將歸湖上詞韻同人約蘆花時展徵
君墓故及之

詞僊老去音塵渺圖中乍歸顏鬢河渚梅香揚州月色
消受吟懷幽俊鑪烟乍引且侑以清歌碧空流韻彷彿
神來一尊况值翠鬢近琵琶輕攏似訴笑風流二老
泥他眉暈謂黃鄰泉家覺所薄醉樓頭輕陰檻外正是江南梅
信豪情未盡更競渡聲喧伴傾芳醞莫負蘆花續游期
定準

念奴嬌 題李謨摩笛圖

姝娥多事把霓裳新調等閒傳與此曲祇應天上有留
下塵寰千古法曲聲沈胡旋女倦催按梨園譜月明牆

外有人偷劃橋柱 猶記宴啟昭陽鏡 圍華萼一笑君
王顧慢舞緩歌懽未足換了漁陽鼙鼓攜笛重來料應
怕聽宮女花前訴烟迷高閣綠波嗚咽流去

連理枝

和子茗作

夢淺翻成怨憶久翻成嬾燕燕鶯鶯風風雨雨最難消
遣便留春春去太恩愆尙輕寒輕暖 惻惻衣慵換寂
寂簾慵卷吹絮閒情弄梅前事黃昏庭院對舊時月色
舊時闌只舊時人遠

國朝詞綜續編卷十終

錢唐宗景藩子城校桀

國朝詞綜續編卷十一

吳縣 潘介繁 襄校

仁和 徐慶銓 編次

海鹽 黃燮清 編纂 平湖 張炳莖 增訂

錢塘 諸可寶 校勘

永康 胡鳳丹 監刊

湯貽汾 四首

朱有源 二首

龔鞏祚 六首

嚴保庸 三首

范 錯 二首

陳山壽 二首

柯萬源 二首

汪 琨 一首

儲徵甲 一首

陳 行 三首

崔曾益

四首

徐楙

二首

嚴元照

四首

顧成順

一首

錢廷煇

一首

姚椿

一首

張鴻卓

二首

趙華恩

二首

戴坤源

一首

楊穉雲

三首

李會裕

二首

江鳳笙

二首

吳震

四首

謝元淮

二首

俞敦培

一首

秦熾昌

一首

倪偉文

一首

李貽德

四首

湯貽汾

字雨生武進人難厯騎尉歷官浙江樂清協副將病告歸寓居金陵咸豐三年二月金陵

陷殉節
益貞愍

黃韻甫云將軍一門風雅世篤忠貞臨難從容猶援筆作絕命詩遺命以平生所愛書畫冊卷殉葬文章氣節一身肩之偉矣哉

摸魚子

題屠琴鳴耶繇漁隱圖

問何人芒蘿村畔一竿閒釣春水朝衫便與從容脫可有蓑衣笠子閒似此怕小小瓜皮未了屠鯨事蘆花岸裏任漁弟尋來鷗兄約去沽酒也應繫長安市話盡耶繇鄉思掉頭今日誰是蓉湖一片傷心碧我亦商量歸計歸也易甚張翰鱸魚不抵陶潛米披圖省記記昔日波心擲竿長嘯風浪等兒戲

余有秋江罷釣圖

玉漏遲

題孫嫺卿女士停琴仁月圖

暮禽棲盡了銅鑲靜掩園林清悄獨下瑤墀自把玉琴

閒抱耐得羅襟露冷向寶鴨濃熏龍腦蓮漏杳秋心一
片問誰知道 只有月姊多情憤碧檻紅窗伴儂嬌小
又恐霜鴻多事帶將愁到不忍重尋舊夢算青斷裙邊
春草同調少朱絃暗憐人老

齊天樂

瓶南湖華隱樓圖

南湖舊侶今何在披圖令人腸斷燕幕香殘蓮塘月冷
寂寞秋孃庭院流年暗換悵宋玉多愁吟魂難返一樣
飄零翠樓落葉送秋雁揚州無限舊雨竟紛紛跨鶴
飛去霄漢小小真真朝朝暮暮誰問蓉城近遠浮雲易
散趁風月當前酒尊須滿莫恨蓬山有時游汗漫

好事近

小病鬱春心心碎一庭疎雨紅豆誰能剖得把相思分
去歸期穩在菊花天緘書漫相許只怕蒲帆生蠹費
高樓凝伫

朱有源

字月槎海鹽人
道光八年舉人

黃韻甫云月槎天真爛漫而窮鬱特甚寓南
愁於遊戲中道光辛丑夏禮闈報罷失意南
歸始與余爲倚聲之學其神韻幽迥殆由天
授惜所作不多而又斲其年也

揚州慢

螢苑懷古

衰草淒迷暮煙零亂夕陽怕近蕪城問鶯花舊豔有水
影簫聲念遊處繁華似火六朝餘燄同此飄零算二分
明月一分應付殘星 廣陵夜泊望迷樓紅隱疎鐙縱
瘦螿傳神寒蛩弔影難寫幽情隱約玉鉤斜畔香魂黯

豔豕畱青歎長隄誰照橋邊秋影分明

憶舊游

本意

記瓊樓夜飲畫舫秋歌粉黛神仙忽共流光去正湖雲
縹緲涼月侵筵夢魂似識簾影垂柳舞蹁躑愛一徑香
花雙鬟綽約茉莉階前纏綿繫情處有月下調琴花
下裁箋愛聽池塘雨置芭蕉百本還種秋蓮鏡中影微
銀漢微語鵲橋邊算粉蝶光陰闌干倚遍人未眠

龔鞏祚

原名自珍字璣人號定庵仁和人道光九年進士官禮部主事有定庵別集無著詞懷人館詞影事詞小奢摩詞

如夢令

本是花宮么鳳降作人閒情種不願住人閒分付藥爐

煙送誰共誰共三十六天秋夢

青玉案

韶光不怨恩恩去祇悵年華誤日斷游絲情一縷斷
橋流水夕陽飛絮可是春歸路樓頭盡日還凝伫欲
訴閒愁向誰訴蕙渚花飛天又暮醒時如醉醉時如夢
夢也何曾作

臨江仙

一角紅窗低嵌月矮屏山蹙羅紋梨花情性怕黃昏淚
憐銀蠟淺心比玉鑪溫底事雛鬟愁不醒冬冬虬箭
宵分起來親手放簾痕春空涼似水西北有嬌雲

意難忘

涼月珊珊伴蘭心玉性試語還難秋花分小影秀句寫
冰紈眉意淺珮聲殘有珍重千般畧逗伊隱花裙上竹
葉斑斑知音何苦輕瞞者溫存隱秀慧思華年明明
通爾汝瑟瑟數悲歡攜手際試顰閒是意煖神寒玉漏
沈芙蓉睡也重靠闌干

卜算子

江上有高樓可似湖樓迴樓外文波曲曲通不駐驚鴻
影蘋葉弄斜暉蘭藥彫明鏡翦盡秋花漠漠寒人臥
江南病

曾在曲闌干瞥見紗裙傍花影濛鬆細步回月底簾鉤
上重到曲闌干記起人模樣萬劫千生再見難小影

心頭葬

嚴保庸

字問樵丹徒人道光九年庶常改知縣

黃韻甫云太史負才瑰異兼擅書畫能自度所製曲改官後鬱鬱不稱意恥爲斗米折腰尋以病去放浪江湖閒雖抑塞窮愁而豪氣不減壬子三月道出廣陵太史招予及錢筱南作餞春之會自江上有警不知所往而筱南亦已下世矣思之黯然

滿庭芳

題亂擲芳英爲簪斜朵事事關心仕女冊

燕蹴還低鶯銜欲溜謝孃池閣黃昏橫斜影好畱住鬢
邊春多少零香賸粉深閨裏苦費溫存須揀取入時新
樣低語畫眉人丰神難寫取紅情怕怨綠夢愁溫便
蜻蜓飛上也自消魂深夜小樓初卸瀟瀟雨飛度前村
消凝甚來朝試覓幾許又飄茵

喝火令

題雪後尋春仕女畫

曲曲巡檐徧弓弓點屐輕青田素影去冥冥借問小谿
前路可有賣花聲 帘角殷勤意牆腰宛轉情冷香深
處最淒清幾日芳銷幾日斷清明幾日高燒銀燭花夢
照難醒

洞仙歌

秋日同月坡游九蓮寺訪溫平南祠墓歸
飲水閣

尋秋何處有疎鐘相引幾樹垂楊盪煙影笑瓜皮一箇
日炙風吹全不似紅板橋頭秋興

君流寓白
門最久

僧廬聊

散步簫鼓聲中問訊荒祠溯東晉慷慨誓長江麟閣功
成已孤負當年玉鏡况我輩萍踪最堪憐問甚事句畱
歸期難定

范

錯字聲山號白舫烏程人有茗翁漁隱詞一卷花笑廣詞一卷

浣谿紗

乙卯客窗曉起

石葉香添玉鼎溫
深深小院閉重門
昨宵輕雨漾池紋
花怯曉寒如有恨
柳搖春夢已無痕
天涯何處不銷魂

魂

百字令

題湘江歸棹圖

溪藤一幅寫依依
樹影渺渺雲沈幾
曲湘江帆轉處
投詩誰是知音
水碧鷗邊山青
篷底歸送別懷
深扣舷歌罷
曲終人遠難尋
同是溷跡生涯
勝游情緒莫盡短
長吟客子光陰
虛換了鬢霜多少
相侵
擗笛吹愁挑燈
照夢那不動鄉心
拳蘭披芷爲君譜
入清琴

陳山壽

字子玉吳江人
有翠香庵詞

清平樂

畫白荷花贈誦芬女僧

雨斜風細先作秋來意
一隻鷺鷥飛不起
天水冥冥無際
蓼花的的新妝
菱花點點方塘
要問荷甘蕙苦蓮
臺稽首空王

瑣窗寒

簾波

細織千絲低垂一桁小樓深處微風乍起吹皺縠紋縷
縷盪春光微茫可憐圓痕疊影能描否似盈盈一水飛
花飛絮濺萊無數
流去閒庭宇正月影中央冥濛隔
住是誰翦出半幅吳淞如許聽聲聲迎風珮嫵凌波隱
約窺細步瀉落階一片空明不管吟蟲苦

柯萬源

字星廬號小坡嘉善人
諸生有杏花春雨館詞

蝶戀花

由金華至裏溪

行盡川塗波渺渺青竹兜輕陡涉空山道可惜此來時
太早皺紅未見檐前棗聞說初平仙蹟杳亂石成堆
莎際羊羣少野景最憐寒食好麥苗一碧風吹老

河傳

憶吳門舊遊

虎阜回首十年前前斟酌橋邊畫船落花如雪篷底眠流
連曉風香可憐酒後無端牽舊緒游冶處柳影仍青
否夢橫塘意難忘思量繫帆春渚長

汪

琨字宜伯號憶蘭錢塘人太學生
官秀山典史有懷蘭室詞四卷

水龍吟

送龔璠人出都

長安舊雨都非新，歡奈又搖鞭去城隅。
一角明箋一束幾番小，聚說劍情豪評花思倦。
前塵夢絮縱閒愁，鬪螳羈魂幻。蝶尋不到江南路。
從此齋鐘衙鼓料難忘，分襟情緒瓜期漸近。
萍踪漸遠，合并何處，易水盟蘭豐臺贈芳離懷觸忤。
任紅蕉題就翠筠書，徧餞詞人句。

儲徵甲

字紀堂
宜興人

洞仙歌

梅天過了，尙蕭蕭殘雨付與羈人作。酸楚憶秋槎聽徧。
春國寒餘都不似，此度淒涼情緒。瑤臺應不遠天外。
朱樓也聽丁冬鐸，鈴語欹枕度寒宵。入曉行雲可遞到。
鄉關煙樹怕潤逼衣篝，未成熏欲寄與都梁斷鴻無據。

陳

行

字小魯仁和人布衣
有一窗秋影庵詞

梁晉竹秋甫益隨筆云小魯負才跡弛嗜酒
工長短句家貧訓蒙賣字以自給性孤介不
諧於俗坐是益困日泥飲壺頭有伯倫荷鋪
之風竟以病酒卒詞出入蘇辛小令酷肖板
橋

憶江南

登高望

登高望望不到天涯祇有雁排人字去從無人寄雁書
來風雨下樓臺

菩薩蠻

湖上晚歸

夕陽西下湖光冷釣船撐入青山影何處一聲鐘遠林
斜帶風白雲畱不住放我還家去燈火夜深樓湖山
夢裏秋

綺羅香

西湖感舊

柔艣離城殘星在樹鷗雪亂翻春曉佛寺山房不見惜
春人到神來兮塔影雲移魂去也柳花風掃十六年舊
夢尋來短長亭外兩峯峭西冷曾指墓草說高士林
逋美人蘇小如此聰明翻被聰明誤了點樓臺幾箇寒
鴉葬胭脂一絲殘照望湖中煙水冥濛水仙何處弔

崔曾益

字仲遷號芸龕武進人舉人
官浙江通判有拜石齋詞

河傳

風定人靜落花輕才過清明嫩晴小窗倦眠春夢醒傷
情數離人幾程寄得音書憑去雁風似翦心繫垂楊
綫弄秋千臨水邊水邊照紅顏可憐

翠樓吟 秋日放舟之金陵

鐵鎖千尋銀濤萬頃江涵秋影無底平皋吹木葉看落日寒雅聲裏城頭笳起念遠客雲邊歸舟天際東風利布帆斜挂舵樓閒倚猶記江表風流有故宮花草後庭羅綺石頭高峙處正凝望蕪城如薺消磨佳麗歎玉壘浮雲金陵王氣秦淮水尙畱煙月照人無寐

紅情 秋海棠

薛階露白看斷垣幾處嬌紅如泣暗憶故宮金粉當年舊顏色簾幕沈沈乍卷扶不起春醒無力想夜靜醉擁新妝清夢到香國今昔淚還滴但訴與亂蛩月斜離席斷腸漫惜還怕秋光去無迹胡蝶西園不到空委

地花鈿狼藉待覓取春夢影那曾記得

梅子黃時雨

舟次石門月夜夢中聞曉聲似子規者卽口占人去春歸二語醒而成此

梅子黃時算晴雨幾番花事銷歇向枕畔聽來數聲曉
切誰信江南無杜宇夢中喚起愁千疊愁難說客裏送
春還恨輕別淒絕黃昏時節怪伊頻斷續和露悲咽
正霏盡瓊英拋殘瑤珞人去春歸畱不住卻畱枝上三
更月還明滅那禁麗譙吹徹

徐

楸字問遼錢唐人諸生

浪淘沙

道光甲午歲除日建庚申餞飲水北樓

無事小神仙沽酒橋邊學他司命醉陶然敝帚千金如
我願先買湖田又是晚峯前萬井炊煙不堪青鬢換

華顛守了庚申還守歲明日新年

昭君怨

梅

莫道南枝開早莫道北枝開少總被占春先歲寒天
疑是曉窗殘月疑是夜窗殘雪不有暗香來費人猜

嚴元照

字修能一字九能號梅庵又號蕙榜
歸安人貢生有柯家山館詞三卷

點絳脣

曲沼蒲深水楊低映紅窗遠繡巾香扇人隔春風岸

波面紋生衣上飛花滿尋常見好山青遍未較雙蛾

淺

一落索

一片落花飛絮送將春去東風吹斷綠楊絲斷不得瀟

滿雨 回首高樓欲暮遠山無數短長亭隔短長橋甚
處是愁來路

念奴嬌

紅樓珠箔護輕寒四面垂垂不卷鴛鴦幾番連夜雨添
了曉妝春倦柳待搖波梅還慳雪未覺東風軟橫塘路
迴踏青情緒先嬾 望極迢遞春江歸帆何處芳草和
天遠欲寄天涯無好夢夢與行雲都斷鸞鏡塵昏獸鑪
香冷顚顚無人管西園花事一年判付鶯燕

點絳脣

沈水熏殘雁鐙珠蠟垂垂凍更無人共繡被春寒重
多少相思不合和愁種銀屏夢月斜鐘動作也成何用

顧成順

字澹園南匯人
有曙彩樓詞鈔

長亭怨慢

初夏感懷用王中仙重過中庵改園韻

任閒倚畫闌吟遍紅雨池塘綠雲庭院夢裏繁華過時
重省淚無限一簾涼影人病在荼蘼苑嫩碧颺晴絲誰
惜我襟懷消散春遠恨好春去也况又玉環天遠翠
微路小看風帶落花辭燕謾唱到白苧江南怕樓上麴
塵吹晚更悵望旗亭一片離雲淒惋

錢廷煊

字小謝仁和人貢
生官金壇縣主簿

水龍吟

消寒第二集分賦得黃華坊明名妓薛素
素舊居也

長安九陌飛花餘香埋卻韋孃宅黃華坊底粉垣零落
蒼涼斜日鳳去臺空燕歸樓圯問誰曾識向荒苔尋遍

韞痕屐印渾不見行雲跡
傳說技誇雙絕控花驄自
調金勒囊絲拂柳舞衫翻錦一鞭飛疾波妹弓圓韓嫣
彈去路人爭拾歎繁華何處可憐都付與蒼苔碧

姚

椿

字春木
華亭人

摸魚子

題珠湖漁隱圖

問揚州珠湖一角如何容得煙艇世閒多少功名夢都
被漁竿拂醒波漸冷歎十里紅樓如此蓑衣興斜陽煙
暝任江北亭臺竹西歌吹且付白鷗靚 秋光淨一道
澄瀾似鏡涼颺淒動詩境驪龍夜冷驚幽睡吞破半天
珪影休酩酊怕天上茅君鸞鶴空山頂松江萬頃只剩
我扁舟尊鱸歸去舫唱和清磬

張鴻卓

字偉甫華亭人有綠雪館詞六卷百和詞一卷

綺羅香

琢玉成闌編珠作幌難障閒愁來路燭影垂花還似那時情緒縱春風不隔紅牆算芳信又遲青羽況如今鶯燕西東碧雲迢遞楚天阻誰人窗外弄笛不管愁腸易斷吹來如訴消到無魂欲賦也難成句爲傷心翦盡芭蕉奈淡月攬人尤苦倘依然夢裏相逢淚痕教驗取

豆葉黃

初秋卽景

水雲涼護白鷗眠野渚無風墮碧蓮款乃一聲何處船板橋邊獨樹斜陽引暮蟬

趙華恩

字碩軒秀水人歲貢生有碩軒詞鈔四卷

孤鸞

旅夜

輕颺飄袖正宿鷺拳蒲晚蟬吟柳望徧荷塘可奈翠凋
紅瘦祇畱雨聲幾陣濺勻圓滿盤珠走伴我碧紗窗側
有一鐙如豆 卻堪憐炎夏煩蒸久道難得西風西風
今又下了湘簾半桁素波涼縐溼螢欲來更去暗中移
數星微逗最是惱人意緒一聲聲更漏

浣谿紗

誰與南窗伴寂寥螢燈閃閃出牆腰
幕拖綠燄上花梢
楊柳池臺無賴月梧桐庭院可憐宵
隔簾涼殺一枝

簫

戴坤源

字芝山

水龍吟 蘆花

回頭一望蒼茫扁舟棹入煙波裏纔看似雪平鋪還又
隨風颭起渺渺伊人中央宛在相思未已歎飄零客路
丹楓紅映斜陽外連天水 猶憶錢江夜泊聽颼颼暮
潮來矣良宵露重長空雲淨孤篷正艤誰抱琵琶四絃
嘈雜暗彈秋淚怕鐙殘夢醒半牀寒逼擁漁家被

楊柳雲

琵琶仙

丙子中秋將客南沙同人餞於山塘詰朝始發晚過泖湖殘月照篷滄波無極黯黯有寄

涼意涵空暮天遠一雁驚飛殘月雙槳淺掠輕波蒼茫
入斜碧寒潮外風聲棹語猶道是歌筵嗚咽兩岸蘆花

滿村樹影相對清絕 記昨夜夢醒湖樓正隔舫分鏡
送歸客勸得玉娥起舞又艣聲催別歎那日祇須沈醉
便重來誰更相識但看隄下垂楊青青非昔

浪淘沙

過問樵辟疆園寓飲酒方酣驟雨忽至客
咸欲歸問樵舉杯屬余曰雨也聽聽話也
聽聽予賞其語問樵卽席成采桑子一闕
子亦拈是解時問樵將游浙江其弟季常
自鎮江來卽之滬濱良會不常旅旅易感
不能不黯然於二語云

雲起晚風生吹到秋聲兩三愁侶一孤檠且莫停杯提
近事雨也聽聽 才送客登程重起離情河梁何限短
長亭難得清歡今夜永話也聽聽

洞仙歌

題郭慧人表妹畫蝶遺幅並慰沈明亭兆
霖悼亡

生綃一尺有螺香輕蕩歷亂春痕眼生纈想帖衣翅輓

嘔鬢柔添繡稿新樣不從人乞
鏡奩零落盡粉本
重看細脈斑裾畫來別便解賦南華曉夢醒來全不似
雙飛前夕縱麝幅勻裁待分遺怕施牋羅裙也應成蝶

李曾裕

字玉之號小瀛上海人現官
浙江同知有枝安山房詩詞

念奴嬌

秋燕

斜陽門巷悵年年客裏易逢秋暮會記江村初社日春
色匆匆何處金粉樓臺鞦韆院落落葉紅如雨江南迢
遞幾行鴻雁歸去莫道翠幕香深畫梁巢穩畢竟依
人住故主多情相護久畱得紅絲一縷海角烏衣天涯
芳草流水華年度不如歸也夢回無限離緒

搗練子

野眺

寒食後柳絲絲滿路桃花踏作泥野草春晴香不斷一
雙胡蝶過橋西

江鳳笙

字韻樓長洲人諸生

一萼紅

秋夜獨坐

步空庭歎天街涼月如此不分明憶著當時幾曾歡笑
非關今夜淒清二十載風塵撲面暗思量惟有淚盈盈
更有何人支頤和影似我傷情我欲狂歌起舞念浮
漚身世何用勞生蛩語愁長雁歸夢遠畫角還又聲聲
怕轉眼風淒雨慘到重九無賴作陰晴誰寄江南哀思
惆悵蘭成

憶蘿月

秦淮夜泛訪金佩卿校書

綠楊影裏深處儂家是要買石城漁艇子只隔一湖愁
水 丁簾窗映紅綃曲闌望見橫橋可惜夜涼風月無
人說與南朝

吳

震字壽芝常熟人
有拜雲閣樂府

南浦

萍

還認是春痕柳陰中青眼圓窺無數可惜太零星隨流
水不似那時飛絮絲絲鬢老忍將鈿翠都拋去拋得銀
奩秋意滿脈脈微波遮住無端畫碎紛紛定教人怨
殺一枝柔艣何處不相逢踪無定偏是天涯孤旅東風
幻後不知能記前生否若記前生飄蕩過只合今生常
聚

水龍吟

白秋海棠

爲誰悄立瑤階淒然一點秋心逗鉛脂洗盡羅衣偏著
絲絲紅繡尋徧牆陰煙輕露溼月孤霜驟正亂蛩愁絮
夜涼如水繁華夢驚回後任向東風回首換新妝丰
神如舊肥環妒否有人淡掃別成秋瘦已斷柔腸未消
清淚可憐時候伴玉容寂寞闌干一曲倚天寒袖

念奴嬌

自金陵夜抵燕子磯捨梳妝策獨穿松翠
中一峯乍晤如逢故人萬葉競飛忽得驚
句涉永濟寺望江亭明月渡江而來嶺樹
交影壓我襟袖置身非人世矣

怒厓疑落正天風響激江濤寒勁石氣蒸雲雲化水盪
得月明無影汊柳搖煙皋蘆舞雪萬葉秋聲併畫然清
嘯睡龍應被驚醒忽聽斷續漁歌別成商調隔浦遙

相應可惜遲來山桂謝負了看花游興雙屐衝落一襟
兜碧手摘星芒冷鶴尋殘夢背人飛過松頂

梅子黃時雨

秋風忽涼夜月尤皎潔遂乘月渡江
之揚州雲行有聲露淡無色長笛一
吹萬濤怒立

多謝涼雲吐明月二分先候江上甚雁北颿南旅程分
向倒影不知天在水忽聞星弄寒潮響秋蒼莽一片雪
濤如馬奔放 回望隔江厓嶂正屏開翠色嵐氣高爽
聽唳鶴清霄客心孤蕩風自無心吹過樹任他落葉隨
風往沿隄訪別來浦鷗無恙

謝元淮

字默卿松滋人官廣西
左江道有海天秋角詞

雨中花慢

雪後詠梅花

萼坼冰檐枝梢月榭忍寒獨與尋春又雨花浙瀝雲葉
續紛未入羅浮幻夢何來姑射仙人闌干徧倚一番偃
蹇幾日溫存 記從西磧曾住東山支筇野店江村容
易得閒題碧落靜對黃昏滴滴嬌紅欲淚沈沈冷翠無
痕韶光已半鶯聲猶寂可奈銷魂

雨霖鈴

春寒久雨

迷濛煙雨不分昏曉兩月如許東風已過寒食鶯藏燕
杳都忘韶序咫尺園亭嬾到料殘紅無主看眼底層疊
癡雲若箇容將漏天補 花村貰酒人何處綠楊絲好
把春闌任年來愛惜芳景偏聽此四檐淒楚報說江湖
流入桃溪斷橋深阻盼爽霽吟上金焦借一枝柔艣

俞敦培 字芝恬

疎影 和月坡言愁之作

江干那日有野鷗幾點窺見幽屐

前聞追舟不及

爲問娉婷誰

是真癡誰擅銷魂詞筆殘紅不怨封姨妬怎肯怨護花
旛窄把禿毫寫箇鴛鴦卻又誤成飛白 天意凝寒似
此美人翠袖薄清淚應積待夢尋伊夢也難憑底處更
尋消息新翻一隻相思曲我亦算倦游狂客莫等閒譜
入琵琶惹起凍雲蕭瑟

秦熾昌 字笛樵

祝英臺近 同月坡至東湖望百花洲

碧天空唳鳥換秋影半湖縹緲望重門幾點落紅瘦分

明臺榭高低玉鉤簾卷怎隔斷小橋疎柳 莫孤負試
隨寒蛭尋花煎茶度晴晝山水留人吟興問誰有笑他
也似秦淮斜陽影裏只少箇倚闌紅袖

倪煒文

原名印元字笙巢歸安人諸生有夢文山館詞

南鄉子

爲王講泉題舊紅樹館

紅樹寄相思十二闌干十二時心字香燒煙乍裊絲絲
舊恨桃花扇底詩 往事問誰知一夢揚州去較遲勝
有畫樓東畔月如眉猶照三生杜牧之

李貽德

字次白號杏林嘉興人道光年舉人著有夢春廬詞鈔

疎影

秋柳

數枝殘柳裊湖濤渡外秋聲初驟寒迴清宵葦岸蕭騷

涼蟾一片疎漏破春已覺纖腰嫩早舞倦短長亭堠况
耐他冷雨酣霜難怪恁般消瘦 著屐來尋舊院白門
顛顚裏吟苦司寇玉樹聲涼幾度魂銷算祇板橋依舊
畫眉人去留圖在待橋外東風吹透擘春雲綰住征衫
又是斷腸時候

卜算子

東曉芬

一座小紅樓
螽殼窗兒裏
鎮日懨懨鎮日慵
可略梳鴉髻
聞說準歸期
定向樓頭倚
側側輕寒掠鬢多
立漫當風地

邁陂塘

題復園紅板橋詩卷

恁銷魂
武林門近年時
一片秋草汪倫舊
日聯吟地
水

榭風廊都好分曲沼喜雁齒新成可添詩料箋分諸
老看虹影眠魚花沙穿水坐暝幾紅蓼重來也一代
名場過了夕陽黯黯紅到小橋卧柳都蕪沒莫怪題橋
人杳遺墨妙讓吳質多情收拾零星稿沈吟鴻爪認秋
雪庵涼

謂樊榭

晚鐘煙冷

謂淮公

郭外遠山峭

醉太平

旅枕

風聲隔牀雨聲隔窗不情不緒時光祇離人慣嘗庭
柯葉忙鄰簫怨長垂垂紙帳冰涼正梅花夢香

國朝詞綜續編卷十一終

錢塘宗景藩子城校棊